

Serbski institut Sorbisches Institut

Wupisanje

Městno doktoranda/doktorandki

W Serbskim instituče w Budyšinje z wotnožku w Choćebuzu ma so w blišim času

doktorandske městno (wobjim 50 %)

wobsadzić. Tute městno je na tři lěta wobmjezowane. Mzda płaći so po TV-L (E13, 50 %), jeli su wosobinske wuměnenja date.

K powabjenju su namołwjeni wysokošulscy absolwenća z rěčespytnych, stawizniskich, kulturnych a socialnych wědomosćow kaž tež nakromnych fachowych wobłukow z wuraznym zajimom za temy mjeńšinoweho slědženja.

Wočakuje so koncepcija a wobdźělanje inowatiwneho promocijskeho předewzaća, kotrež zaběra so na přikładze Serbow z prašenjemi wutworjenja wěstoty za kulturu a rěč w mjeńšinowym konteksće. K orientaciji móht njedawno w Serbskim instituče nastaty konferencny spis "Dimensije kulturelneje wěstoty pola etniskich a rěčnych mjeńšinow" (Lětopis 2017/2) služić. Promociski projekt měł so tutej tematice hladajo na historisku, kulturnowědomostnu abo (socio-)linguistisku perspektiwu wěnować.

Dale wočakujemy wot doktoranda zwólniwość ke koncepcionelnemu a wobsahowemu sobudźěłu w interdisciplinarnym teamje kaž tež podpěru při planowanju a přewjedženju wědomostnych zarjadowanjow a publikacijow.

Wuměnenja/kwalifikacije:

- wotzamknjenje wysokošulskeho studija (magister, master, diplom abo přirunajomne) na polu stawizniskich abo kulturnych wědomosćow, rěčespyta, slawistice, sorabistiki abo w susodnym fachowym wobłuku
- znajomosće na polu serbskich stawiznow, rěče a kultury so přeja
- znajomosće hornjo-/delnjoserbsčiny abo druheje zapadnosłowjanskeje rěče su za žórłowy a literarny studij z lěpšinu; wočakuje so zwólniwość k (dalšemu) přiswojenju serbsčiny
- dobre znajomosće w jendźelšćinje w słowje a pismje
- samostatne, strukturěrowane wašnje dźěła a zamóžnosť, w teamje dźělać

Tute městno je předwidžane za wědomostnu kwalifikaciju w ramiku promocije. Fachowe poradžowanje tutoho disertaciskeho projekta wotměje so w kooperaciji ze znajmjeńša jednej uniwersitu.

Při samsnej kwalifikaciji so na ćežko zbrašenych we wosebitej měrje kedźbuje.

Hłowne sydło · Hauptsitz
Dwórnišćowa 6 · Bahnhofstraße 6
D-02625 **Budyšin** · **Bautzen**
T +49 3591 4972-0
F +49 3591 4972-14
si@serbski-institut.de
www.serbski-institut.de

Wótnožka za dolnosorbiske slěženja
Zweigstelle für niedersorbische Forschungen
Droga Augusta Bebela 82
August-Bebel-Straße 82
D-03046 **Chóšebuz** · **Cottbus**
T +49 355 48576-482
F +49 355 48576-494
cottbus@serbski-institut.de

Požadanja njech pósćelu so ze zwučenymi podložkami a z krótkej projektowej skicu (maksimalnje tři strony) hač do **5. awgusta 2018** přez e-mail (po móžnosći w pdf-dataji) do direktorata Serbskeho instituta pod si[at]serbski-institut.de. Tež pozdžišo dochadźace požadanja móža so wobkedźbować, jeli je městno hišće wotewrjene.

Požadanske rozmołwy wotměja so najskerje w 35. kalendrowym tydźenju 2018 w Budyšinje. Ewentualne jězbnje wudawki so přewzać njemóža.